



**O‘ZBEKISTON RESPUBLIKASI DAVLAT AKTIVLARINI
BOSHQARISH AGENTLIGINING
YAGONA AKSIYADOR (ISHTIROKCHI) Q A R O R I**

2024 yil 24 yanvar

05/09-3-qr-sonli

Toshkent sh.

**“Elektron onlayn auksionlarni tashkil etish” aksiyadorlik jamiyatining
kuzatuv kengashi tarkibini, yangi tahrirdagi ustavini va kuzatuv kengashi
to‘g‘risidagi nizomini tasdiqlash to‘g‘risida**

“Aksiyadorlik jamiyatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonuni va O‘zbekiston Respublikasi Prezidentining 2023-yil 29-dekabrda PQ-422-son qaroriga muvofiq Davlat aktivlarini boshqarish agentligi **qaror qiladi:**

1. Quyidagilar:

a) “Aksiyadorlik jamiyatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonunining 59-moddasiga muvofiq:

jamiyat ustaviga o‘zgartish va qo‘shimchalar kiritish yoki jamiyatning yangi tahrirdagi ustavini tasdiqlash;

jamiyat kuzatuv kengashining va minoritar aksiyadorlar qo‘mitasining son tarkibini belgilash, ularning a‘zolarini saylash va a‘zolarning vakolatlarini muddatidan ilgari tugatish aksiyadorlar umumiy yig‘ilishining vakolat doirasiga kiritilganligi;

b) O‘zbekiston Respublikasi Prezidentining 2023-yil 29-dekabrda “O‘zbekiston Respublikasining “2024-yil uchun O‘zbekiston Respublikasining Davlat budjeti to‘g‘risida”gi Qonuni ijrosini ta‘minlash chora-tadbirlari to‘g‘risida”gi PQ-422-son qarorining 12-bandida:

ustav kapitalida **davlat ulushi 50 foiz va undan ortiq bo‘lgan xo‘jalik jamiyatlari, jumladan tijorat banklarining** (mahalliy hokimiyat organlari muassisligidagi jamiyatlardan tashqari) **ijroiya organiga to‘lanadigan haq va ularning eng yuqori miqdorini** belgilash hamda jamiyatning **tashkiliy tuzilmasini tasdiqlash**, shuningdek, ularga o‘zgartirish kiritish bo‘yicha masalalarni **kuzatuv kengashi tomonidan ma‘qullangandan so‘ng** aksiyadorlar umumiy yig‘ilishiga kiritish tartibini joriy etish belgilanganligi;

ushbu tartibni **bir oy muddatda** respublika mulkida bo‘lgan xo‘jalik jamiyatlari, jumladan tijorat banklarining **ustaviga kiritish** choralari ko‘rish topshirilganligi **ma‘lumot uchun qabul qilinsin.**



2. “Elektron onlayn auksionlarni tashkil etish” AJ Kuzatuv kengashining tarkibi 1-ilovaga muvofiq tasdiqlansin.

3. “Elektron onlayn auksionlarni tashkil etish” AJ **kuzatuv kengashi to‘g‘risida”gi Nizomi** 2-ilovaga muvofiq tasdiqlansin.

4. “Elektron onlayn auksionlarni tashkil etish” AJning **yangi tahrirdagi ustavi** 3-ilovaga muvofiq tasdiqlansin.

5. “Elektron onlayn auksionlarni tashkil etish” AJ rahbari jamiyatning yangi tahrirdagi ustavini belgilangan tartibda davlat ro‘yxatidan o‘tkazishni ta‘minlasin.

6. Mazkur qaror ijrosini nazorat qilish Davlat aktivlarini boshqarish agentligi direktorining birinchi o‘rinbosari N.Xusanov zimmasiga yuklansin

Direktor



A. Ortikov

Yuridik shaxsni davlat ro'yxatidan o'tkazilganligi to'g'risidagi

GUVOHNOMA



Yuridik shaxs

"ELEKTRON ONLAYN-AUKSIONLARNI TASHKIL ETISH" AKSIYADORLIK JAMIYATI

Tashkiliy-huquqiy shakli ko'rsatilgan holda yuridik shaxs - tadbirkorlik subyektining to'liq nomi

"ELEKTRON ONLAYN-AUKSIONLARNI TASHKIL ETISH" AJ

Yuridik shaxsning qisqartirilgan nomi

305 004 780

Soliq to'lovchining identifikatsiya raqami (STIR)

Tashkil etish (qayta tashkil etish, boshqa ro'yxatga olish, axborotni o'zgartirish)

31.07.2017

Sana

535080

Tasdiqlandi

Tashkiliy-huquqiy shakli:

AKSIYADORLIK JAMIYATI

Faoliyat yuritadigan manzil:

TOSHKENT SHAHRI, MIROBOD TUMANI, A.TEMUR KO'CHASI, 6-UY

Tomonidan berilgan:

MIROBOD TUMANI DAVLAT XIZMATLARI MARKAZI

1751558



Ma'lumotlarni o'zgartirish haqida ma'lumotnoma

O'zgartirishdan oldin

Soliq to'lovchisining identifikatsiya raqami (SIFR)

305 004 780

Nomi

ELEKTRON ONLAYN-AUKSIONLARNI TASHKILETISH

Tashkiliy-huquqiy shakli

Aksiyadorlik jamiyati

Joylashgan joyi (manzili)

Toshkent shahri, Mirobod tumani, A. TEMUR KOCHASI,

6-UY

O'zgartirishdan keyin

Soliq to'lovchisining identifikatsiya raqami (SIFR)

305 004 780

Nomi

ELEKTRON ONLAYN-AUKSIONLARNI TASHKILETISH

Tashkiliy-huquqiy shakli

Aksiyadorlik jamiyati

Joylashgan joyi (manzili)

Toshkent shahri, Mirobod tumani, A. TEMUR KOCHASI,

6-UY

Ma'lumotlarni o'zgartirish haqida ma'lumotnoma

O'zgarishdan oldingi aksiyalar

Aksiya to'g'risida ma'lumot

Oddiy aksiyalar

Aksiyalar soni: 41980199

Aksiya bahosi: 1 000 so'm

Ustav fondi

41 980 199 000 so'm

02.02.2024

2375108

Qudobxonning o'riniga

Anzoda Abdumomilov



1751557

02.02.2024

2375108

Qudobxonning o'riniga

Anzoda Abdumomilov



1751557



O'zbekiston Respublikasi
Adliya vazirligi

Ma'lumotlarni o'zgartirish haqida ma'lumotnoma

O'zgarishdan keyingi aksiyalar

Aksiya to'g'risida ma'lumot

Oddiy aksiyalar

Aksiyalar soni: 41980199 Aksiya bahosi: 1000 so'm

Ustav fondi

41980199 000 so'm

02.02.2024

2375108

Qaydnomaga olingan sana Aniq raqam

1751557



“Elektron onlayn auksionlarni tashkil
etish” aksiyadorlik jamiyati yagona
aksiyadorining 2024-yil 24-yanvardagi
05/09-3-qr-son qaroriga
3-ilova

“ELEKTRON ONLAYN-AUKSIONLARNI TASHKIL ETISH”
AKSIYADORLIK JAMIYATINING

USTAVI
(Yangi tahrir)

Toshkent shahri, 2024-yil

1. UMUMIY QOIDALAR

1.1. Ushbu Ustav O‘zbekiston Respublikasining “Aksiyadorlik jamiyatlari va aksiyadorlarning huquqlarini himoya qilish to‘g‘risida”gi Qonuni va boshqa qonunchilik hujjatlari asosida ishlab chiqilgan.

1.2. “Elektron onlayn-auksionlarni tashkil etish” aksiyadorlik jamiyati (keyingi o‘rinlarda - Jamiyat) O‘zbekiston Respublikasi Prezidentining 2023-yil 24-martdagi PF-101-sonli “Davlat aktivlarini boshqarish agentligi faoliyatini samarali tashkil etish chora-tadbirlari to‘g‘risida”gi Farmoniga muvofiq qayta tashkil etilgan. Shunga ko‘ra, “Elektron onlayn-auksionlarni tashkil etish” aksiyadorlik jamiyati “Elektron onlayn-auksionlarni tashkil etish markazi” davlat unitar korxonasi huquqiy vorisi hisoblanadi.

1.3. Jamiyat o‘z faoliyatini O‘zbekiston Respublikasining Fuqarolik kodeksi, “Aksiyadorlik jamiyatlari va aksiyadorlarning huquqlarini himoya qilish to‘g‘risida»gi va «Qimmatli qog‘ozlar bozori to‘g‘risida»gi qonunlari va boshqa me‘yoriy-huquqiy hujjatlarga muvofiq olib boradi.

1.4. Jamiyatning to‘liq yuridik nomi:

davlat tilida (lotin alifbosida): **“Elektron onlayn-auksionlarni tashkil etish” aksiyadorlik jamiyati;**

davlat tilida (kiril alifbosida): **“Электрон онлайн аукционларни ташкил этиш” акциядорлик жамияти;**

rus tilida: **Акционерное общество “Организация электронных онлайн-аукционов”;**

ingliz tilida: **“Organization of electronic online auctions” joint-stock company.**

1.5. Jamiyatning qisqartirilgan yuridik nomi:

davlat tilida (lotin alifbosida): **“Elektron onlayn-auksionlarni tashkil etish” AJ;**

davlat tilida (kiril alifbosida): **“Электрон онлайн аукционларни ташкил этиш” АЖ;**

rus tilida: **АО “Организация электронных онлайн-аукционов”;**

ingliz tilida: **“Organization of electronic online auctions” JSC.**

1.6. Jamiyatning joylashgan joyi va pochta manzili: O‘zbekiston Respublikasi, Toshkent shahri, Amir Temur ko‘chasi, 6-uy, 100000.

1.7. Jamiyatning elektron pochta manzili: info@e-auksion.uz.

1.8. Jamiyatning veb-sayti: <https://www.e-auksion.uz>

2. JAMIYATNING HUQUQIY MAQOMI

2.1 Jamiyat yuridik shaxs bo‘lib, alohida mol-mulkka, shu jumladan ustav fondi (kapitali)da unga berilgan, mustaqil balansida qayd etilgan mol-mulkka ega bo‘ladi, o‘z nomidan mulkiy va shaxsiy nomulkiy huquqlarni olishi hamda amalga oshirishi, zimmasiga majburiyatlar olishi, sudda da‘vogar va javobgar bo‘lishi mumkin.

2.2. Jamiyat davlat ro‘yxatdan o‘tkazilgan paytdan e‘tiboran yuridik shaxs maqomiga ega bo‘ladi.

2.3. Jamiyat cheklanmagan muddatga tashkil etiladi.

2.4. Jamiyat qonunchilikda belgilangan tartibda O‘zbekiston Respublikasi hududida va uning hududidan tashqarida bank hisobvaraqlarini ochish huquqiga ega.

2.5. Jamiyat firma nomi davlat tilida to'liq yozilgan va joylashgan manzili ko'rsatilgan dumaloq muhrga ega bo'lish huquqiga ega. Muhrda firma nomi bir vaqtning o'zida boshqa istalgan tilda ko'rsatilishi mumkin.

2.6. Jamiyat o'z nomi yozilgan shtamp va blanklarga, o'z timsoliga, shuningdek, belgilangan tartibda ro'yxatdan o'tkazilgan tovar belgisi va fuqarolik muomalasi ishtirokchilarining, tovarlarning, ishlarning va xizmatlarning xususiy alomatlarini aks ettiruvchi boshqa vositalarga ega bo'lishga haqlidir.

2.7. Jamiyat o'z majburiyatlari yuzasidan o'ziga tegishli bo'lgan barcha mol-mulk bilan javobgar bo'ladi.

2.8. Aksiyador Jamiyatning majburiyatlari yuzasidan javobgar bo'lmaydi va uning faoliyati bilan bog'liq zararlarning o'rnini o'ziga tegishli aksiyalar qiymati doirasida qoplash tavakkalchiligini o'z zimmasiga oladi.

2.9. Aksiyaning haqini to'liq to'lamagan aksiyador Jamiyat majburiyatlari yuzasidan unga tegishli bo'lgan aksiyalar qiymatining to'lanmagan qismi doirasida solidar javobgar bo'ladi.

2.10. Jamiyat o'z aksiyadorining majburiyatlari yuzasidan javobgar bo'lmaydi.

2.11. Davlat va uning organlari Jamiyatning majburiyatlari yuzasidan javobgar bo'lmaydi, xuddi shuningdek Jamiyat ham davlat va uning organlarining majburiyatlari yuzasidan javobgar bo'lmaydi.

2.12. Jamiyat qonunchilikda belgilangan tartibda filiallar tashkil etishi va vakolatxonalar ochish huquqiga ega.

2.13. Jamiyat aksiyadorlik Jamiyati yoki mas'uliyati cheklangan Jamiyat shakldagi sho'ba va tobe xo'jalik Jamiyatlarini tashkil etish va (yoki) ularga ega bo'lishi mumkin.

2.14. Jamiyat qonunchilikda belgilangan tartibda korxonalar, tashkilotlar va boshqa tijorat tuzilmalarini tashkil etishda ishtirok etish huquqiga ega.

2.15. Jamiyat o'z faoliyatida O'zbekiston Respublikasining amaldagi qonunchilik xujjatlariga va mazkur ustav talablariga amal qiladi.

3. JAMIYAT FAOLIYATINING MAQSADI VA ASOSIY YO'NALISHLARI

3.1. Jamiyat faoliyatining asosiy maqsadi Jamiyat aksiyadorlari manfaatlarida foyda (daromad) olish maqsadida qonunchilikda va shartnomada belgilangan tartibda davlat va xususiy mulklarning elektron onlayn-auksion, tanlov va boshqa savdolarini (keying o'rinlarda - elektron onlayn-auksion va tanlov) tashkil etadi.

3.2. Jamiyatning asosiy yo'nalishlari O'zbekiston Respublikasi Prezidentining farmoni va qarorlari, O'zbekiston Respublikasi Hukumati qarorlari, davlat idoralar hamda jismoniy va boshqa yuridik shaxslarning buyurtmasiga asosan elektron onlayn-auksion va tanlovlarni tashkil qilish hamda o'tkazish, shuningdek, elektron raqamli imzo kalitlari sertifikatlarini berish hisoblanadi.

3.3. Jamiyat litsenziya yoki ruxsatnoma tusidagi boshqa hujjat talab qilinadigan faoliyat turlari bilan qonunchilikda belgilangan tartibga muvofiq tegishli litsenziya yoki boshqa ruxsat beruvchi hujjat olingandan keyin shug'ullanishi mumkin.

3.4. Jamiyat O'zbekiston Respublikasi hududida va uning hududlaridan tashqarida qonunchilik bilan belgilangan tartibda va shartlarda qonunchilikda man etilmagan faoliyatning boshqa turlarini amalga oshirish huquqiga ega.

4. JAMIYATNING USTAV FONDI (KAPITALI)

4.1. Jamiyatning ustav fondi aksiyadorlar olgan Jamiyat aksiyalarining nominal qiymatidan tashkil topadi.

4.2. Jamiyatning ustav fondi (kapitali) 41 980 199 000 (qirq bir milliard to'qqiz yuz sakson million bir yuz to'qson to'qqiz ming) so'mni tashkil qiladi va nominal qiymati 1 000 (bir ming) so'm bo'lgan 41 980 199 (qirq bir million to'qqiz yuz sakson ming bir yuz to'qson to'qqiz) dona egasining nomi yozilgan oddiy aksiyalardan iborat.

§ 1. Jamiyatning ustav kapitalini ko'paytirish

4.3. Jamiyatning ustav kapitali qo'shimcha aksiyalarni joylashtirish yo'li bilan ko'paytirilishi mumkin.

4.4. Jamiyatning ustav kapitalini qo'shimcha aksiyalarni joylashtirish yo'li bilan ko'paytirish va tegishli o'zgartirishlarni Jamiyat ustaviga kiritish to'g'risidagi qaror Kuzatuv kengashi tomonidan qabul qilinadi

4.5. Qo'shimcha aksiyalar faqat Jamiyat ustavida belgilangan, e'lon qilingan aksiyalarning soni doirasida Jamiyat tomonidan joylashtirilishi mumkin.

4.6. Qo'shimcha chiqarilayotgan aksiyalar ochiq va yopiq obuna usullari bilan joylashtirilishi mumkin.

4.7. Jamiyatning ustav fondini (ustav kapitalini) ko'paytirish jalb qilingan investitsiyalar, Jamiyatning o'z kapitali va hisoblangan dividendlar hisobidan qonun hujjatlarida belgilangan tartibda amalga oshirilishi mumkin.

4.8. Jamiyatning ustav kapitalini uning o'z kapitali hisobidan ko'paytirishda qo'shimcha aksiyalar barcha aksiyadorlar o'rtasida taqsimlanadi. Bunda har bir aksiyadorga qaysi turdagi aksiyalar tegishli bo'lsa, ayni o'sha turdagi aksiyalar unga tegishli aksiyalar soniga mutanosib ravishda taqsimlanadi. Jamiyatning ustav kapitali ko'paytirilishi natijasida ko'paytirish summasining bitta aksiyaning nominal qiymatiga muvofiqligi ta'minlanmaydigan bo'lsa, Jamiyatning ustav kapitalini ko'paytirishga yo'l qo'yilmaydi.

4.9. Jamiyat tomonidan aksiyalarni va aksiyalarga ayirboshlanadigan, haqi pul mablag'lari bilan to'lanadigan emissiyaviy qimmatli qog'ozlarni joylashtirishda ovoz beruvchi aksiyalarning egalari bo'lgan aksiyadorlar o'ziga tegishli shu turdagi aksiyalar miqdoriga mutanosib miqdorda ularni imtiyozli olish huquqiga ega.

4.10. Imtiyozli huquqni qo'llamaslik to'g'risidagi qaror, shuningdek bunday qarorning amal qilish muddati haqidagi qaror aksiyadorlarning umumiy yig'ilishida ishtirok etayotgan ovoz beruvchi aksiyalar egalarining ko'pchilik ovozi bilan qabul qilinishi mumkin. Bunday qarorning amal qilish muddati ushbu qaror qabul qilingan paytdan e'tiboran bir yildan ortiq bo'lishi mumkin emas.

4.11. Aksiyalarni joylashtirish, shu jumladan, aksiyadorlar o'rtasida joylashtirish to'g'risida qaror qabul qilishda aksiyalarni joylashtirish (qimmatli qog'ozlarning birja bozoriga va uyushgan birjadan tashqari bozoriga chiqarish) narxi qimmatli qog'ozlar savdosi tashkilotchilarining savdo maydonchalarida vujudga kelayotgan narxlar kon'yunkturasidan kelib chiqqan holda belgilanadi.

4.12. Jamiyatning ustav kapitali ko'paytirilayotganda Jamiyatning qo'shimcha aksiyalariga uning o'z kapitali hisobidan, shuningdek haqini qo'shimcha aksiyalar bilan to'lash to'g'risida qaror qabul qilingan dividendlar hisobidan haq to'langan taqdirda, bunday aksiyalarni joylashtirish Jamiyat aksiyalarining nominal qiymati bo'yicha amalga oshiriladi.

4.13. Jamiyat qonun hujjatlariga muvofiq obligatsiyalar va boshqa qimmatli qog'ozlar chiqarishga haqli.

4.14. Soliqqa oid yoki davlat oldidagi boshqa qarzdorlik hisobiga Jamiyat ustav kapitalidagi davlat ulushini oshirish to'g'risidagi qaror Jamiyat aksiyadorlari umumiy yig'ilishi tomonidan Jamiyatning joylashtirilgan ovoz beruvchi aksiyalarining kamida uchdan ikki qismi egalari bo'lgan aksiyadorlarning (davlatdan tashqari) roziligi mavjud bo'lgan taqdirda, aksiyadorlarning oddiy ko'pchilik ovozi bilan qabul qilinadi.

§ 2. Jamiyatning ustav kapitalini kamaytirish

4.15. Jamiyatning ustav kapitalini aksiyalarning nominal qiymatini kamaytirish yoki aksiyalarning umumiy sonini qisqartirish yo'li bilan kamaytirilishi mumkin.

4.16. Agar ustav kapitalini kamaytirish natijasida uning miqdori qonun hujjatlarida belgilangan eng kam miqdoridan kamayib ketsa, Jamiyat ustav kapitalini kamaytirishga haqli emas.

4.17. Ustav kapitalini kamaytirish va Jamiyat ustaviga tegishli o'zgartishlar kiritish haqidagi qaror aksiyadorlarning Umumiy yig'ilishida qabul qilinadi.

4.18. Ustav kapitalini kamaytirish to'g'risida qaror qabul qilgan vaqtda aksiyadorlarning umumiy yig'ilishi ustav kapitalni kamaytirish sabablarini ko'rsatadi va uni kamaytirish tartibini belgilaydi.

5. JAMIYAT AKSIYALARINING TURLARI VA DIVIDEND TO'LASH TARTIBI

5.1. Jamiyat aksiyalari oddiy bo'lib, hujjatsiz shaklda hisobi yuritiladi. Aksiyalarga bo'lgan huquqlar aksiyalarni oluvchiga uning depo hisobvarag'iga tegishli kiritilgan paytdan e'tiboran o'tadi va depo hisobvarag'idan ko'chirma bilan tasdiqlanadi.

5.2. Dividend Jamiyatning Jamiyat tasarrufida qoladigan sof foydasidan va (yoki) o'tgan yillarning taqsimlanmagan foydasidan to'lanadi. Jamiyat tomonidan oddiy aksiyalar bo'yicha hisoblangan dividendlarni to'lash aksiyadorlarning dividendlarni olishga bo'lgan teng huquqlariga rioya etilgan holda amalga oshiriladi.

5.3. Dividend aksiyadorlar o'rtasida ularga tegishli aksiyalarning soni va turiga mutanosib ravishda taqsimlanadi.

5.4. Dividend Aksiyadorlarning umumiy yig'ilishi qaroriga ko'ra pul mablag'lari yoki boshqa qonuniy to'lov vositalari yoxud Jamiyatning qimmatli qog'ozlari bilan to'lanishi mumkin.

5.5. Jamiyat moliyaviy yilning birinchi choragi, yarim yilligi to'qqiz oyi natijalariga ko'ra va (yoki) moliyaviy yil natijalariga ko'ra joylashtirilgan aksiyalar bo'yicha dividendlar to'lash to'g'risida qaror qabul qilishga haqli.

5.6. Jamiyat tomonidan oddiy aksiyalar bo'yicha dividendlar to'lash, dividendning miqdori, uni to'lash shakli va tartibi to'g'risidagi qaror Jamiyat Kuzatuv kengashining tavsiyasi, moliyaviy hisobotning ishonchliligi haqida auditorlik xulosasi mavjud bo'lgan taqdirda, moliyaviy hisobot ma'lumotlari asosida aksiyadorlarning

umumiy yig'ilishi tomonidan qabul qilinadi. Dividendlarning miqdori Jamiyat Kuzatuv kengashi tomonidan tavsiya etilgan miqdordan ko'p bo'lishi mumkin emas.

5.7. Dividendlar to'lash to'g'risidagi qarorda dividendlar to'lash boshlanadigan va tugaydigan sanalar ko'rsatilgan bo'lishi lozim. Dividendlarni to'lash muddati shunday qaror qabul qilingan kundan e'tiboran 60 (oltmish) kundan kech bo'lmasligi lozim.

5.8. Dividendlarni e'lon qilish to'g'risida qaror qabul qilingan aksiyadorlarning umumiy yig'ilishini o'tkazish uchun shakllantirilgan Jamiyat aksiyadorlari reestrda qayd etilgan aksiyadorlar dividend olish huquqiga ega.

5.9. Jamiyat:

ustav fondining (kapitalining) hammasi uning ta'sis etilishi chog'ida to'liq to'lab bo'linguniga qadar;

agar dividendlar to'lanadigan paytda Jamiyatda bankrotlik belgilari mavjud bo'lsa yoki Jamiyatda shunday belgilab dividendlarni to'lash natijasida paydo bo'lsa;

agar Jamiyat sof aktivlarining qiymati uning ustav fondi (ustav kapitali) va zaxira fondi summasidan kam bo'lsa, aksiyalar bo'yicha dividendlar to'lash to'g'risida qaror qabul qilishga hamda dividendlar to'lashga haqli emas.

Mazkur bandeda ko'rsatilgan holatlar tugatilgach Jamiyat hisoblangan dividendlarni aksiyadorlarga to'lashi shart.

6. JAMIYATNING ZAXIRA FONDI

6.1. Jamiyat sof foyda hisobidan zaxira fondini hamda aksiyadorlarning umumiy yig'ilishida aniqlanadigan, Jamiyat faoliyati uchun zarur bo'lgan boshqa fondlarni tashkil etadi.

6.2. Boshqa mablag'lar mavjud bo'lmagan taqdirda, Jamiyatning zaxira fondi Jamiyatning zararlari o'rnini qoplash va Jamiyatning aksiyalarini qaytarib sotib olish uchun mo'ljallanadi.

6.3. Jamiyat ustav kapitalining 15 (o'n besh) foizdan kam bo'lmagan miqdorda zaxira fondi tuziladi. Zaxira fondiga belgilangan miqdorga yetguniga qadar har yili sof foydadan 5 (besh) foizdan kam bo'lmagan miqdorida ajratmalar o'tkazadi.

6.4. Zaxira fondi to'laligicha yoki qisman sarflanib bo'lgan hollarida, sof foydadan majburiy ajratmalardan tiklanadi.

6.5. Zaxira fondidan boshqa maqsadlarda foydalanish mumkin emas.

7. JAMIYAT BOSHQARUVINING TUZILMASI

7.1. Jamiyatning boshqaruv organlari:

Aksiyadorlarning umumiy yig'ilishi;

Kuzatuv kengashi;

Ijroiya organi (direktor).

8. JAMIYAT AKSIYADORLARINING UMUMIY YIG'ILISHI

8.1. Aksiyadorlarning umumiy yig'ilishi Jamiyatning yuqori boshqaruv organi hisoblanadi.

8.2. Jamiyat har yili aksiyadorlarning yillik (navbatdagi) umumiy yig'ilishini o'tkazishi shart. Aksiyadorlarning yillik umumiy yig'ilishi yil tugaganidan keyin olti oydan kechiktirmay o'tkaziladi.

8.3. Jamiyatning bir foizdan kam bo'lmagan oddiy aksiyalari egalari aksiyadorlar umumiy yig'ilishi kun tartibi, foydani taqsimlash, boshqaruv va nazorat organi a'ziligiga ularning nomzodini (umumiy yig'ilish o'tkazilgunga qadar almashtirish imkoniyati bilan) ko'rsatish yuzasidan taklif kiritish huquqiga ega. Bunday takliflar moliya yili tugaganidan keyin 90 kundan kechiktirmay taqdim etilishi lozim.

8.4. Aksiyadorlar umumiy yig'ilishining vakolat doirasiga quyidagilar kiradi:

Jamiyat ustaviga o'zgartirish va qo'shimchalar kiritish yoki Jamiyatning yangi tahrirdagi ustavini tasdiqlash;

Jamiyatni qayta tashkil etish;

Jamiyatni tugatish, tugatuvchini (tugatish komissiyasini) tayinlash hamda oraliq va yakuniy tugatish balanslarini tasdiqlash;

Jamiyat Kuzatuv kengashining va minoritar aksiyadorlar qo'mitasining son tarkibini belgilash, ularning a'zolarini saylash va a'zolarining vakolatlarini muddatidan ilgari tugatish;

e'lon qilingan aksiyalarning eng ko'p miqdorini belgilash;

Jamiyatning ustav fondini (ustav kapitalini) ko'paytirish;

Jamiyatning ustav fondini (ustav kapitalini) kamaytirish;

o'z aksiyalarini olish;

ijroiya organini tuzish, uning rahbarini saylash (tayinlash) va rahbarning vakolatlarini muddatidan ilgari tugatish, Jamiyatning tashkiliy tuzilmasini yoki unga o'zgartirish kiritish masalalarini kuzatuv kengashi tomonidan ma'qullanganidan so'ng tasdiqlash;

Jamiyatning yillik hisobotini va yillik biznes-rejasini, shuningdek Jamiyat faoliyatining asosiy yo'nalishlari va maqsadidan kelib chiqqan holda Jamiyatni o'rta muddatga va uzoq muddatga rivojlantirishning aniq muddatlari belgilangan strategiyasini tasdiqlash;

Jamiyatning foydasi va zararlarini taqsimlash;

Jamiyat Kuzatuv kengashining o'z vakolat doirasiga kiradigan masalalar yuzasidan, shu jumladan Jamiyatni boshqarishga doir qonunchilikda belgilangan talablarga rioya etilishi yuzasidan Jamiyat Kuzatuv kengashining hisobotlarini eshitish;

Jamiyat tomonidan korporativ obligatsiyalar, shu jumladan aksiyalarga ayirboshlanadigan obligatsiyalar chiqarish to'g'risida qaror qabul qilish;

qimmatli qog'ozlarning hosilalarini chiqarish to'g'risida qaror qabul qilish;

Jamiyatning korporativ obligatsiyalarini qaytarib sotib olish to'g'risida qaror qabul qilish;

aksiyalarni joylashtirish (tashkil etilgan qimmatli qog'ozlar savdolariga chiqarish) narxini belgilash;

aksiyadorlar umumiy yig'ilishining reglamentini tasdiqlash;

aksiyalarni maydalash va yiriklashtirish;

Jamiyatning ijroiya organiga to'lanadigan haq va (yoki) kompensatsiyalarni, shuningdek, ularning eng yuqori miqdorini belgilash hamda ularga o'zgartirishlar kiritish bo'yicha masalalarni kuzatuv kengashi tomonidan ma'qullangandan so'ng tasdiqlash;

balans qiymati yoki olish qiymati bitim tuzish to'g'risida qaror qabul qilinayotgan sanada Jamiyat sof aktivlari miqdorining ellik foizidan ortig'ini tashkil etuvchi mol-mulk xususida yirik bitim tuzish to'g'risidagi qarorni qabul qilinadi. Yirik bitim tuzish masalasi bo'yicha Jamiyat Kuzatuv kengashining yakdilligiga erishilmagan taqdirda yirik bitim tuzish to'g'risidagi masala Kuzatuv kengashining qaroriga ko'ra aksiyadorlarning umumiy yig'ilishi hal qilishi uchun olib chiqilishi mumkin;

agar Jamiyat Kuzatuv kengashining ikki va undan ortiq a'zosi affillangan shaxs bo'lsa, bitim bo'yicha qaror ushbu Qonunda belgilangan tartibda va muddatlarda aksiyadorlarning umumiy yig'ilishi tomonidan qabul qilish;

majburiy auditorlik tekshiruvini o'tkazish uchun auditorlik tashkilotini belgilash, ushbu tashkilotning xizmatlariga to'lanadigan eng ko'p haq miqdori va u bilan shartnoma tuzish (shartnomani bekor qilish) to'g'risida qaror qabul qilish;

qonunchilikka muvofiq boshqa masalalarni hal etish.

9. JAMIYATNING KUZATUV KENGASHI

9.1. Jamiyatning Kuzatuv kengashi Jamiyat faoliyatiga umumiy rahbarlikni amalga oshiradi. ushbu Ustav bilan aksiyadorlar umumiy yig'ilishining vakolat doirasiga kiritilgan masalalarni hal etish bundan mustasno.

9.2. Jamiyat Kuzatuv kengashining a'zolari amaldagi qonunchilik va mazkur ustav asosida aksiyadorlarning umumiy yig'ilishi tomonidan 3 (uch) yillik muddatga saylanadilar. Jamiyat Kuzatuv kengashi a'zolarining soni 5 (besh) kishidan iborat, jumladan, Kuzatuv kengashining 1 nafar a'zosi mustaqil a'zo sifatida saylanadi.

9.3. Kuzatuv kengashining vakolat doirasiga quyidagilar kiradi:

Jamiyatni rivojlantirish strategiyasiga erishish bo'yicha ko'rilayotgan chora-tadbirlar to'g'risida Jamiyat ijroiya organining hisobotini muntazam ravishda eshitib borgan holda Jamiyat faoliyatining ustuvor yo'nalishlarini belgilash;

aksiyadorlarning yillik va navbatdan tashqari umumiy yig'ilishlarini chaqirish;

aksiyadorlar umumiy yig'ilishining kun tartibini tayyorlash;

aksiyadorlarning umumiy yig'ilishi o'tkaziladigan sana, vaqt va joyni belgilash;

aksiyadorlarning umumiy yig'ilishi o'tkazilishi haqida xabar qilish uchun Jamiyat aksiyadorlarining reestrini shakllantirish sanasini belgilash;

mol-mulkning bozor qiymatini belgilashni tashkil etish;

korporativ maslahatchini tayinlash va uning faoliyati tartibini belgilovchi nizomni tasdiqlash;

Jamiyatning yillik biznes-rejasini ma'qullash. Bunda Jamiyatning kelgusi yilga mo'ljallangan biznes-rejasi Jamiyat Kuzatuv kengashi majlisida joriy yilning 1 dekabridan kechiktirmay ma'qullanishi lozim;

ichki audit xizmatini tashkil etish va uning xodimlarini tayinlash, shuningdek har chorakda uning hisobotlarini eshitib borish;

Jamiyat ijroiya organining faoliyatiga daxldor har qanday hujjatlardan erkin foydalanish va Jamiyat Kuzatuv kengashi zimmasiga yuklatilgan vazifalarni bajarish uchun bu hujjatlarni ijroiya organidan olish. Jamiyat Kuzatuv kengashi va uning a'zolari olingan hujjatlardan faqat xizmat maqsadlarida foydalanishi mumkin;

auditorlik tekshiruvini o'tkazish (majburiy auditorlik tekshiruvi bundan mustasno), auditorlik tashkilotini belgilash, uning xizmatlariga to'lanadigan eng ko'p

haq miqdori va u bilan shartnoma tuzish (shartnomani bekor qilish) to'g'risida qaror qabul qilish;

dividend miqdori, uni to'lash shakli va tartibi yuzasidan tavsiyalar berish;

Jamiyatning zaxira fondidan va boshqa fondlaridan foydalanish;

Jamiyatning filiallarini tashkil etish va vakolatxonalarini ochish;

Jamiyatning shu'ba va tobe xo'jalik Jamiyatlarini tashkil etish;

balans qiymati yoki olish qiymati bitim tuzish to'g'risida qaror qabul qilinayotgan sanada Jamiyat sof aktivlari miqdorining o'n besh foizidan ellik foizigachasini tashkil etuvchi mol-mulk xususida yirik bitim tuzish to'g'risidagi qarorni qabul qilish;

affillangan shaxs bilan tuziladigan bitim to'g'risidagi axborotni o'rganish va affillangan shaxsning yozma bildirishi Jamiyatga kelib tushgan sanadan e'tiboran o'n besh kundan kechiktirmay bitim bo'yicha qaror qabul qilish.

Jamiyatning tijorat va notijorat tashkilotlardagi ishtiroki bilan bog'liq bitimlarni qonunchilikda belgilangan tartibda tuzish;

Jamiyat tomonidan mulkni begonalashtirish, uni sotish shakli va mexanizmi, davlat ishtirokidagi korxonalar va ularning tarkibidagi korxonalar ustav kapitaliga uchinchi shaxslar tomonidan investitsiya kiritish bo'yicha kelishuvlarini (bitim, shartnoma, memorandum va boshqalar) majburiy tarzda oldindan ko'rib chiqish;

Jamiyatning rahbari lavozimiga o'tkaziladigan tanlov reglamentini tasdiqlash, ijro organi rahbari lavozimiga tanlov e'lon qilish va o'tkazish;

homiylilik (xayriya) yoki beg'araz yordam ko'rsatish (olish) tartibi va shartlarini belgilash hamda bu borada qaror qabul qilish;

Jamiyatda korporativ boshqaruv tizimini baholashni tashkillashtirish, baholash huquqiga ega mustaqil tashkilotni tanlov asosida tanlash;

Kuzatuv kengashi a'zolaridan iborat bo'lgan Strategiya va investitsiyalar, Audit, Tayinlovlar va haq to'lash, Korrupsiyaga qarshi kurashish va etika qo'mitalarini, shuningdek zaruriyatga ko'ra boshqa qo'mitalarni tashkil qilish;

Jamiyatni yashil iqtisodiyotga o'tish jarayonini jadallashtirish;

Jamiyatda transformatsiya jarayonlarini samarali tashkil etish, korxonaning tashqi qarzlarni optimallashtirish, zamonaviy xarid tizimini joriy etish, investitsiya loyihalarini moliyalashtirishga muqobil mablag'larni jalb etish;

Jamiyatning tashkiliy tuzilmasini va unga kiritilayotgan o'zgartirishlarni ma'qullash;

ijroiya organiga to'lanadigan haq va uning eng yuqori miqdorini hamda unga kiritilayotgan o'zgartirishlarni ko'rib chiqish va ma'qullash;

Jamiyat Kuzatuv kengashining vakolat doirasiga kiritilgan masalalar hal qilish uchun Jamiyatning ijroiya organiga o'tkazilishi mumkin emas.

9.4. Jamiyatning Kuzatuv kengashi a'zolari saylovi kumulyativ ovoz berish orqali amalga oshiriladi.

9.5. Kumulyativ ovoz berishda har bir aksiyadorga tegishli ovozlar soni Jamiyatning Kuzatuv kengashiga saylanishi kerak bo'lgan mustaqil a'zolar va boshqa a'zolar soniga alohida ko'paytiriladi hamda aksiyador shu tariqa olingan ovozlarni bitta nomzodga to'liq berishga yoki ikki va undan ortiq nomzodlar o'rtasida taqsimlashga haqli.

Eng ko'p ovoz to'plagan nomzodlar Jamiyat Kuzatuv kengashining tarkibiga saylangan deb hisoblanadi.

9.6. Aksiyadorlarning umumiy yig'ilishida saylangan Kuzatuv kengashi a'zosi mazkur yig'ilish bayonnomasida qaysi aksiyadorning vakili ekanligi yoki Kuzatuv kengashining qaysi a'zosi mustaqil a'zo ekanligi ko'rsatilishi kerak.

9.7. Quyidagilar Kuzatuv kengashining mustaqil a'zosi bo'lishi mumkin emas:
so'nggi uch yil ichida Jamiyatda va (yoki) Jamiyatning affillangan shaxslarida ishlagan shaxs;

Jamiyat ovoz beruvchi aksiyalarining besh yoki undan ortiq foiziga egalik qiluvchi (to'g'ridan-to'g'ri va (yoki) affillangan shaxslar orqali) aksiyador;

Jamiyatning va (yoki) uning affillangan shaxsining yirik mijozi va (yoki) yirik yetkazib beruvchisi bilan fuqarolik-huquqiy munosabatlarda bo'lgan shaxs. Bunda qaysi shaxslar bilan bazaviy hisoblash miqdorining ikki ming baravaridan ko'p bo'lgan summaga teng amaldagi shartnoma mavjud bo'lsa, o'sha shaxslar yirik mijoz va yirik yetkazib beruvchi deb e'tirof etiladi;

so'nggi uch yil ichida Jamiyatga va (yoki) Jamiyatning affillangan shaxslariga auditorlik xizmatlarini ko'rsatgan auditorlik tashkilotining xodimi;

ketma-ket olti yil davomida Jamiyatning Kuzatuv kengashi tarkibiga kirgan shaxs;

Jamiyat va (yoki) uning affillangan shaxslari bilan biror-bir kelishuvga ega bo'lgan shaxs, bundan Kuzatuv kengashi a'zosining vazifalari va funksiyalari bajarilishini ta'minlash bilan bog'liq bo'lgan kelishuvlar mustasno;

Jamiyatning boshqaruv va ichki nazorat organlarining va (yoki) uning affillangan shaxslarining a'zosi bo'lgan shaxsning yoki so'nggi uch yil ichida ularga a'zo bo'lgan shaxsning yaqin qarindoshi yoki quda tomondan qarindoshi (ota-onasi, aka-ukalari, opa-singillari, o'g'illari, qizlari, eri (xotini), shuningdek erining (xotinining) ota-onasi, aka-ukalari, opa-singillari va farzandlari) bo'lgan shaxs;

davlat boshqaruvi organining yoki davlat korxonasining xodimi bo'lgan shaxs;

Jamiyatning ustavida yoki aksiyadorlar umumiy yig'ilishining qarorlari bilan tasdiqlangan hujjatlarda belgilangan talablarga muvofiq bo'lmagan shaxs.

9.8. Jamiyat Kuzatuv kengashi tarkibiga saylangan mustaqil a'zolarining reestrini yuritadi va uni o'z rasmiy veb-saytida e'lon qiladi.

9.9. Jamiyat Kuzatuv kengashining mustaqil a'zosi Kuzatuv kengashining boshqa a'zolari bilan bir qatorda ushbu Qonunda belgilangan teng huquqlar va majburiyatlarga ega bo'ladi.

9.10. Jamiyat Kuzatuv kengashi tarkibiga saylangan shaxslar cheklanmagan tarzda qayta saylanishi mumkin.

9.11. Jamiyat ijroiya organi Kuzatuv kengashiga saylanishi yoki tayinlanishi mumkin emas.

9.12. Jamiyatda mehnat shartnomasi (kontrakt) bo'yicha ishlayotgan shaxslar Jamiyat Kuzatuv kengashining a'zolari bo'lishi mumkin emas.

9.13. Kuzatuv kengashining raisi kengash a'zolari tomonidan ularning o'zlari orasidan ko'pchilik ovoz bilan saylanadi. Kuzatuv kengashi o'z raisini jami a'zolarining ko'pchilik ovozi bilan qayta saylashga haqlidir.

9.14. Jamiyat Kuzatuv kengashining raisi uning ishini tashkil etadi, Kuzatuv kengashi majlislarini chaqiradi va ularda raislik qiladi, majlisda bayonnoma yuritilishini tashkil etadi va aksiyadorlar umumiy yig'ilishlarida raislik qiladi.

9.15. Jamiyat Kuzatuv kengashi raisi yo'q bo'lgan hollarda uning vazifasini Kuzatuv kengash a'zolaridan biri bajarib turadi.

9.16. Jamiyat Kuzatuv kengashining qarori uning a'zolarinig kamida 75 (etmish besh) foizi ishtirok etganida qonuniy hisoblanadi.

9.17. Kuzatuv kengashi majlislari uning raisi tomonidan har chorakda kamida bir marta chaqiriladi va o'tkaziladi. Jamiyat Kuzatuv kengashining navbatdan tashqari majlislari Kuzatuv kengash raisining tashabbusi bilan yoki qo'yidagilar talabiga ko'ra chaqiriladi:

Kuzatuv kengash a'zolarining;

Jamiyat ijroiya organining;

ichki audit hizmati boshlig'ining talabiga ko'ra va amaldagi qonunchilikda nazarda tutilgan boshqa hollarda.

9.18. Jamiyatning 1 foizdan kam bo'lmagan oddiy aksiyalari egalari Kuzatuv kengashi majlisini chaqirishni talab qilish va kun tartibi yuzasidan taklif kiritish huquqiga ega.

9.19. Kuzatuv kengashining majlisida qarorlar, agar qonunchilikda boshqa hollar ko'zda tutilmagan bo'lsa, majlisda hozir bo'lganlarning ko'pchilik ovozi bilan qabul qilinadi. Kuzatuv kengashi majlisida masalalar hal etilayotganda kengashning har bir a'zosi bitta ovozga ega. Kuzatuv kengashining bir a'zosi o'z ovozini kengashning boshqa a'zosiga berishiga haqli emas. Kuzatuv kengashi a'zolarining ovozlari teng bo'lgan holda, kengash raisining ovozi hal etuvchi hisoblanadi.

9.20. Majlisda Kuzatuv kengashi a'zolari video va audio uskunalari orqali konferensiya aloqasi bo'yicha ishtirok etishi mumkin, bunda ularning ovozlari qaror qabul qilish uchun sirdan berilgan deb hisoblanmaydi.

9.21. Jamiyat Kuzatuv kengashining majlisida bayonnoma yuritiladi va u majlis o'tkazilganidan so'ng 10 (o'n) kundan kechiktirmay tuziladi.

9.22. Jamiyat Kuzatuv kengashining vakolat doirasiga kiritilgan masalalar hal qilish uchun Jamiyatning ijroiya organiga o'tkazilishi mumkin emas.

9.23. Kuzatuv kengashi a'zolari o'zlarining lavozim majburiyatlarini halol, shuningdek Jamiyat manfaatlari yo'lida ular eng yaxshi deb hisoblaydigan usul bilan amalga oshirishga majburdirlar.

9.24. Jamiyat Kuzatuv kengashi a'zolari Jamiyat va uning aksiyadorlari oldidagi o'z majburiyatlarini zarur darajada bajarmaganliklari uchun amaldagi qonunchilikka muvofiq javobgar bo'ladilar.

9.25. Jamiyat Kuzatuv kengashi o'z ishini amaldagi qonunchilik, ushbu ustav va aksiyadorlarning umumiy yig'ilishida tasdiqlangan «Jamiyat Kuzatuv kengashi to'g'risida»gi nizom asosida amalga oshiradi.

10. JAMIYATNING IJROIYA ORGANI

10.1. Jamiyat direktori aksiyadorlarning umumiy yig'ilishi tomonidan uch yil muddatga saylanadi (tayinlanadi). Bunda, direktor sifatida tayinlangan (qayta tayinlangan) shaxs surunkasiga ikki muddatdan ortiq direktor bo'lishi mumkin emas.

10.2. Direktorni saylash qoida tariqasida, xorijiy menejerlar ishtirok etishi mumkin bo'lgan tanlov asosida amalga oshiriladi.

10.3. Direktor lavozimiga tanlov o'tkazish tartibi, nomzodga qo'yiladigan talablar Jamiyat Kuzatuv kengashi tomonidan belgilanadi.

10.4. Direktorni saylash (tayinlash) to'g'risidagi aksiyadorlar umumiy yig'ilishining qarori yig'ilishda qatnashayotgan Jamiyatning ovoz beruvchi aksiyadorlarning ko'pchilik ovozi bilan qabul qilinadi.

10.5. Direktor lavozimiga nomzod saylangandan (tayinlangandan) keyin Kuzatuv kengashi u bilan 3 (uch) yil muddatga shartnoma tuzadi. Shartnoma Jamiyat nomidan Kuzatuv kengashining raisi yoki Kuzatuv kengashi vakolat bergan shaxs tomonidan imzolanadi. Direktor bilan tuziladigan shartnomada uning Jamiyat faoliyati samaradorligini oshirish bo'yicha majburiyatlari hamda Jamiyatning yillik biznes-rejasini bajarish qanday borayotganligi yuzasidan aksiyadorlarning umumiy yig'ilishi va Jamiyat Kuzatuv kengashi oldida beradigan hisobotlarining davriyligi nazarda tutilishi kerak.

10.6. Direktorga to'lanadigan haq miqdori Jamiyat faoliyati samaradorligining muhim ko'rsatkichlarini bajarilishi bilan to'g'ridan-to'g'ri bog'liq bo'ladi va shartnomada belgilanadi.

10.7. Aksiyadorlarning umumiy yig'ilishi yoki Jamiyat Kuzatuv kengashi, agar Jamiyat ustaviga muvofiq unga bunday huquq berilgan bo'lsa, direktor bilan tuzilgan shartnomani, agar u ushbu shartnoma shartlarini, Jamiyat ustavini qo'pol ravishda buzsa yoki uning harakati (harakatsizligi) bilan Jamiyatga zarar yetkazsa, u bilan tuzilgan shartnomani muddatidan avval bekor qilish huquqiga ega.

10.8. Jamiyat tomonidan soliqlar va O'zbekiston Respublikasi Davlat budgetiga boshqa to'lovlar, davlat maqsadli fondlari, ish haqi va dividendlar bo'yicha muddati o'tkazib yuborilgan qarzdorlik hosil bo'lganda, shuningdek, ketma-ket ikki chorak mobaynida biznes-rejaning asosiy parametrlari bajarilmagan taqdirda, direktor bilan mehnat munosabatlarini davom ettirishning maqsadga muvofiqligi to'g'risidagi masala Jamiyat Kuzatuv kengashi tomonidan ko'rib chiqiladi.

10.9. Aksiyadorlar umumiy yig'ilishining direktor bilan tuzilgan shartnomani bekor qilish yoki muddatidan avval bekor qilish to'g'risidagi qarori yig'ilishda qatnashayotgan Jamiyatning ovoz beruvchi aksiyadorlarning – aksiyalar egalarining ko'pchilik ovozi bilan qabul qilinadi.

10.10. Kuzatuv kengashining direktor bilan tuzilgan shartnomani muddatidan avval bekor qilish to'g'risidagi qarori majlisda ishtirok etayotgan Kuzatuv kengashi a'zolarining ko'pchilik ovozi bilan qabul qilinadi.

10.11. Aksiyadorlarning umumiy yig'ilishi yoki Jamiyat Kuzatuv kengashi tomonidan direktorning vakolatlarini tugatish to'g'risida qaror qabul qilingan taqdirda, uning vakolatlarini boshqa shaxsga o'tkazish to'g'risidagi masala o'sha yig'ilishning o'zida hal etilishi yoxud Jamiyat ijroiya organining rahbari vazifasini vaqtincha bajaruvchi shaxsni tayinlagan holda aksiyadorlarning yaqin oradagi umumiy yig'ilishida ko'rib chiqish uchun qoldirilishi mumkin.

10.12. Direktor vakolatiga Jamiyatning joriy faoliyati rahbarligining barcha masalalari kiradi, aksiyadorlarning umumiy yig'ilishi yoki Kuzatuv kengashning vakolatiga kirgan masalalar bundan mustasno.

10.13. Direktor quyidagi huquqlarga ega:

Jamiyat nomidan ishonchnomasiz ish yuritish, davlat muassasalarida, mulkchilik shaklidan qat'i nazar, barcha tashkilot va korxonalarda Jamiyat manfaatlarini ifodalash;

Jamiyatning bank va boshqa moliyaviy hujjatlariga birinchi imzolash huquqi bilan banklarda hisob-kitob, valyuta va boshqa hisobvaraqlar ochish;

Jamiyatning mijozlari, shuningdek, boshqa tashkilot va korxonalar bilan bitimlar va shartnomalar tuzish;

Jamiyat nomidan hujjatlarni imzolash;

o'z vakolatlari doirasida Jamiyatning mol-mulki va mablag'larini tasarruf etish;

xodimlarning shtat jadvalini belgilash va tasdiqlash;

xodimlarni ishga qabul qilish, ular bilan mehnat shartnomalarini tuzish va bekor qilish, ularga nisbatan intizomiy jazo choralarini qo'llash, mehnat va ijro intizomiga rioya etilishini ta'minlash;

O'zbekiston Respublikasining mehnat qonunchiligiga va me'yoriy hujjatlariga muvofiq Jamiyat xodimlariga ish haqini (barcha turdagi ustamalar va mehnati bilan ishtirok etish koeffitsientlari) belgilash hamda moddiy rag'batlantirish;

Jamiyatning tarkibiy bo'linmalari to'g'risidagi nizomlarni va Jamiyat xodimlarining lavozim yo'riqnomalarini tasdiqlash;

Jamiyat nomidan ishonchnomalar berish;

Jamiyat tarkibiga kiruvchi korxonalarining boshqaruv organlarida uning vakillarini Jamiyat nomidan ovoz berish bo'yicha ko'rsatma berish;

Jamiyat xo'jalik tavakkalchiligini va direktorning javobgarligini sug'urtalashni amalga oshirish;

qonunchilik doirasida Jamiyatning barcha xodimlari uchun majburiy bo'lgan buyruqlar, topshiriqlar chiqarish va ko'rsatmalar berish;

Jamiyatning ichki me'yoriy hujjatlarini tasdiqlash, aksiyadorlar umumiy yig'ilishi yoki Kuzatuv kengashining vakolatiga kiruvchi ichki me'yoriy hujjatlar bundan mustasno;

qonunchilikda, Jamiyat ustavida va mehnat shartnomasiga muvofiq boshqa huquqlarlarni amalga oshirish.

10.14. Jamiyat direktori Jamiyat ustavi va Jamiyat Ijroiya organi to'g'risidagi nizom asosida ish olib boradi.

11. JAMIYAT FAOLIYATINI NAZORAT QILISH.

11.1 Aktivlarining balans qiymati bazaviy hisoblash miqdorining yuz ming barobaridan ko'p bo'lsa Jamiyatda ichki audit xizmati tashkil etiladi. Ichki audit xizmati Jamiyatning Kuzatuv kengashiga hisobdordir.

11.2. Jamiyatning ichki audit xizmati Jamiyatning ijroiya organi, filiallari va vakolatxonalari tomonidan qonunchilikka, Jamiyat ustaviga va boshqa hujjatlarga rioya etilishini, buxgalteriya hisobida va moliyaviy hisobotlarda ma'lumotlarning to'liq hamda ishonchli tarzda aks ettirilishi ta'minlanishini, xo'jalik operatsiyalarini amalga oshirishning belgilangan qoidalari va tartib-taomillariga rioya etilishini, aktivlarning saqlanishini, shuningdek Jamiyatni boshqarish yuzasidan qonunchilikda belgilangan talablarga rioya etilishini tekshirish hamda monitoring olib borish orqali Jamiyatning ijroiya organi, filiallari va vakolatxonalari ishini nazorat qiladi hamda baholaydi.

11.3. Jamiyatning ichki audit xizmati o'z faoliyatini O'zbekiston Respublikasi Vazirlar Mahkamasi tomonidan belgilanadigan tartibga muvofiq amalga oshiradi.

12. YAKUNLOVCHI QOIDALAR

12.1. Mazkur Ustav bilan tartibga solinmagan masalalar O‘zbekiston Respublikasining Fuqarolik kodeksi, “Aksiyadorlik Jamiyatlari va aksiyadorlarning huquqlarini himoya qilish to‘g‘risida”gi Qonuni va boshqa qonunchilik bilan tartibga solinadi.

12.2. Mazkur Ustav begilangan tartibda davlat ro‘yxatiga olingan vaqtdan boshlab kuchga kiradi.